



Broj: 07-25-sl/12
Sarajevo, 03.09.2012.godine.

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na inicijativu, poslanika Dževada Hodžića

Na Sedamnaestoj radnoj sjednici Skupštine Kantona Sarajevo, održanoj dana 27.06.2012. godine u okviru tačke Dnevnog reda "Poslanička pitanja, inicijative i odgovori", poslanik Dževad Hodžić pokrenuo je sljedeću inicijativu:

"Tražim od Vlade Kantona Sarajevo, Ministarstva privrede i Ministarstva prostornog uređenja i zaštite okoliša, da učini sve što je u mogućnosti da se stavi u funkciju "Peračko vrelo sa maksimalnim stepenom iskorištenosti njegovih potencijala/120 litara vode u sekundi"

Odgovor:

Peračko vrelo je neprocjenjivi prirodni resurs koji svojim položajem (nadmorska visina), kvalitetom i količinom vode treba biti iskorišten na najbolji mogući način.

Trenutno se voda sa Peračkog vrela koristi za javno vodosnabdijevanje dijela Općine Vogošća i kompleksa poslovno-proizvodnih objekata u Industrijskoj zoni Vogošća.

Korisnik izvorišta firma BAGS "Energotehnika" d.d Vogošća-Sarajevo, zahvata i svojim cjevovodom transportuje vodu za poslovno-proizvodne objekte u Industrijskoj zoni Vogošća, gdje dio vode koriste objekti, a ostatak vode preuzima (kupuje) KJKP "Vodovod i Knalaizacija" d.o.o Sarajevo, koju dovodi do filtera za prečišćavanje, a nakon toga se ubacuje u vodovodni sistem Općine Vogošća.

Kada je u pitanju nadležnost oko izdavanja vodnih akata za korištenja vode sa Peračkog vrela, informišemo Vas da je članom 139. stav 1. tačka 1. Zakona o vodama (Sl. novine Federacije BiH broj: 70/06), propisano da je za izdavanje vodne dozvole, za kapacitete izvorišta preko 10 lit /sec nadležna Agencija za vodno područje rijeke Save.

Pošto je kapacitet ovog izvorišta veći od 10 lit /sec, Agencija je izdala vodnu dozvolu trenutnom korisniku BAGS "Energotehnika" d.d Vogošća-Sarajevo, dana 16.12.2010. godine, za korištenje vode sa Peračkog vrela. Vodnom dozvolom se propisani korisniku izvorišta uslovi korištenja, zaštite i održavanja izvorišta i pripadajućih vodnih objekata.

Imajući u vidu značaj Peračkog vrela za potrebe vodosnabdijevanja Općine Vogošća Načelnik Općine Vogošća, pokrenuo je aktivnosti vezano za problematiku korištenja vode sa Peračkog vrela, s ciljem dugoročnog i kvalitetnog vodosnabdijevanja područja Općine Vogošća.

Kada je u pitanju nadležnost Ministarstva privrede vezano za Peračko vrelo, ministarstvo je nadležno za izdavanje koncesije za korištenje vode u skladu sa Zakonom o koncesijama Kantona Sarajevo (Sl.novine Kantona Sarajevo broj: 27/11).



web: <http://mp.ks.gov.ba>

e-mail: mp@mp.ks.gov.ba;

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1



Imajući u vidu obaveze naložene u vodnoj dozvoli BAGS "Energotehnika" d.d Vogošća-Sarajevo podnijela dana 28.11.2011. godine Ministarstvu privrede zahtjev za dodjelu koncesije za zahvatanje vode sa Peračkog vrela, a rješavanje zahtjeva je u toku.

Ministarstvo privrede je zajedno sa Općinom Vogošća i Ministarstvom prostornog uređenja i zaštite okoliša, pokrenulo aktivnosti na maksimalnom iskorištenju kapaciteta izvorišta Peračkog vrela za potrebe vodosnabdijevanja općine Vogošća, kako bi stanovnici općine imali redovno vodosnabdijevanje, a smanjila distribucija vode iz Sarajevskog polja.

U tom pravcu održan je sastanak dana 09.03.2011. godine u prostorijama Općine Vogošća, na kojem su bili prisutni predstavnici sljedećih institucija: Općine Vogošća, Ministarstva prostornog uređenja i zaštite okoliša, Ministarstva privrede, Zavoda za planiranje razvoja Kantona Sarajevo, Zavoda za Javno zdravstvo Kantona Sarajevo, te predstavnici korisnika vode sa Peračkog vrela: KJKP "Vodovod i Kanalizacija" d.o.o Sarajevo i BAGS "Energotehnika" d.d Vogošća-Sarajevo

Nakon detaljne analize trenutnog načina korištenja i upravljanja izvorištem Peračkim vrelom, a imajući u vidu njegov kapacitet, potrebe za vodom kao i prava korištenja vode, na sastanku su usvojeni zaključci kojima se definiraju dalji koraci kako da se maksimalno iskoriste kapaciteti Peračkog vrela.

U cilju realizacije donesenih zaključaka, a imajući u vidu potrebu povećanja kvaliteta vode koja se sa Peračkog vrela uključuje u vodovodni sistem Općine Vogošća, Ministarstvo privrede je u 2011. godini sufinansiralo sanaciju filter postrojenja u Vogošći u iznosu od 50.000,00 KM, kako bi se povećao kvalitet vode sa Peračkog vrela, prije njenog upuštanja u javni vodovodni sistem. Stavljanje u funkciju drugog filtera bio je jedan od zaključaka koji je usvojen na prethodno spomenutom sastanku, a koji je i realiziran u 2011. godini.

Ministarstvo privrede predlaže da se realizira usvojeni zaključak koji se odnosi na izradu "Studije dugoročnog vodosnabdijevanja, tremana i odvodnje otpadnih voda za područje Općine Vogošća". Ova Studija bi trebala dati odgovore oko načina korištenja Peračkog vrela, te definirala naredne korake tj. projekte koje treba realizirati, a sagledavajući postojeće stanje vodosnabdijevanja općine Vogošća i buduće potrebe za vodom.

Ministarstvo privrede također predlaže da se nastave i ubrzaju aktivnosti koje je poduzela Općina Vogošća sa ostalim subjektima oko korištenja Peračkog vrela.

Imajući u vidu važnost Peračkog vrela za snabdijevanje vodom područja Općine Vogošća, Ministarstvo privrede će podržati sve aktivnosti koje se planiraju realizirati a koje su u skladu sa važećom zakonskom regulativom, planskim korištenjem i upravljanjem ovim prirodnim resursom.

S poštovanjem,

Dostavljeno:

- Naslovu
- Evidencija

MINISTAR

Dr Rušmir Sendić



web: <http://mp.ks.gov.ba>

e-mail: mp@mp.ks.gov.ba;

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1

